

Datganiad Parth Gwarchod a Pharth Gwyliadwriaeth (Ffliw Adar)

Mae Prif Swyddog Milfeddygol Cymru wedi cadarnhau bod y ffliw adar pathogenig iawn yn bresennol ar safle yng Nghymru yn unol ag erthygl 28(1) o [Orchymyn Ffliw Adar a Ffliw sy'n Deillio o Adar mewn Mamaliaid \(Cymru\) \(Rhif 2\) 2006](#)¹ ("y Gorchymyn").

Yn unol ag erthyglau 28(1) a 29(1) o'r Gorchymyn ac yn ystyried meini prawf sydd wedi'u manyli yn erthygl 29(5) o'r Gorchymyn hwn, mae Gweinidogion Cymru felly'n datgan bod yr ardal a ddisgrifir yn **Atodiad 1** o'r Datganiad hwn yn Barth Gwarchod y mae holl fesurau [Atodlen 4](#) y Gorchymyn yn berthnasol iddo².

Yn unol ag erthyglau 28(1) a 29(2) o'r Gorchymyn ac yn ystyried meini prawf sydd wedi'u manyli yn erthygl 29(5) o'r Gorchymyn hwn, mae Gweinidogion Cymru felly'n datgan bod yr ardal a ddisgrifir yn **Atodiad 2** o'r Datganiad hwn yn Barth Gwyliadwriaeth y mae holl fesurau [Atodlen 5](#) y Gorchymyn yn berthnasol iddo³.

Mae'r Parthau Gwarchod a Gwyliadwriaeth wedi'u nodi ar y map yn **Atodiad 3** i'r Datganiad hwn.

Mae'r mesurau hyn yn berthnasol o 18:45 ar 18 Tachwedd 2025 hyd nes y bydd y Datganiad hwn yn cael ei dynnu'n ôl neu ei ddiddymu drwy ddatganiad pellach.

Mae'r Parth Gwarchod a'r Parth Gwyliadwriaeth yn canoli ar gyfeirnod grid SM8961808279.

Llofnodwyd: Richard Irvine, Prif Swyddog Milfeddygol Cymru

Dyddiedig: 18:45 ar 18 Tachwedd 2025

O dan awdurdod Gweinidog yr Y Dirprwy Brif Weinidog ac Ysgrifennydd y Cabinet dros Newid Hinsawdd a Materion Gwledig

Gallu methu â chydymffurfio â'r Datganiad hwn fod yn drosedd o dan adran 72 neu 73 o Ddeddf Iechyd Anifeiliaid 1981.

¹ OS 2006 / 2927 (Cy262) fel y'i diwygiwyd ddiwethaf gan Orchymyn Ffliw Adar (Diwygiadau Amrywiol) (Cymru) 2023 OS 2023/1179 (Cy.206)

² Yn unol ag erthyglau 30(1) o'r Gorchymyn, mae'r mesuriadau o fewn Atodlen 4 yn berthnasol i'r parth gwarchod

³ Yn unol ag erthyglau 31(1) o'r Gorchymyn, mae'r mesuriadau o fewn Atodlen 5 yn berthnasol i'r parth gwyliadwriaeth

Mae Atodlenni i'r Gorchymyn wedi'u hatodi yn atodiad 1 a 2 o'r Gorchymyn hwn er mwyn gallu cyfeirio'n hawdd.

Mae copïau o'r Datganiad hwn ar gael ar [dudalennau gwe](#) Llywodraeth Cymru a gan Llywodraeth Cymru, Parc Cathays, Caerdydd CF10 3NQ.

Atodiad 1**Parth Gwarchod**

Mae'r Parth Gwarchod yn cynnwys y rhan honno o Gymru sydd wedi'i chynnwys o fewn y cylch glas o radiws o 3 cilometr sydd yng nghanol cyfeirnod grid SM8961808279. Cyfeirnod grid Arolwg Ordnans yw hwn [cyfres Landranger 1:110,000]. Y Parth Gwarchod yw'r ardal o fewn y cylch glas ar y map a ddarperir yn **Atodiad 3**.

Y Mesurau mewn Parth Gwarchod:**Cofnod o ymwelwyr**

1. Yn amodol ar baragraff 5, mae'n rhaid i feddiannydd y parth lle cedwir y dofednod neu adar caeth eraill gadw cofnodion o—
 - (a) enw a chyfeiriad unrhyw berson sy'n ymweld â'r safle (oni bai bod yr ymweliad i ran o'r safle yn unig lle mae pobl yn byw a lle na chedwir unrhyw ddofednod neu adar caeth eraill);
 - (b) dyddiad yr ymweliad;
 - (c) a yw'r person wedi cael unrhyw gysylltiad â dofednod neu adar caeth eraill ar y safle.

Cofnod o ddofednod

2. Mae'n rhaid i feddiannydd unrhyw safle yn y parth wneud cofnod o'r holl ddofednod sy'n cyrraedd neu'n gadael y safle hwnnw cyn gynted ag sy'n rhesymol ymarferol ar ôl y symud.

Cofnod o symudiadau dofednod ac wyau

3. Yn amodol ar baragraff 5, mae'n rhaid i unrhyw berson sy'n ymwneud â chludo neu farchnata dofednod neu wyau dofednod yn y parth wneud cofnod cyn gynted ag sy'n rhesymol ymarferol o'r holl ddofednod ac wyau dofednod y mae wedi'u cludo neu eu marchnata.

Symudiadau dofednod i'w cofnodi

4. Mae'n rhaid i'r cofnodion y cyfeiriwyd atynt ym mharagraffau 2 a 3 uchod gynnwys—
 - (a) swm a disgrifiad (yn cynnwys rhywogaethau'r dofednod neu fath o wy) a gludwyd neu a farchnatwyd;
 - (b) yn achos symud o safle yn y parth—
 - (i) dyddiad y symud o'r safle;
 - (ii) safle cyrchfan (os yw'n hysbys);
 - (iii) enw a chyfeiriad y person y mae perchnogaeth neu feddiannaeth yn cael ei throsglwyddo neu wedi'i throsglwyddo iddo;

- (c) yn achos symud i safle yn y parth—
 - (i) dyddiad y symud;
 - (ii) y safle y symudwyd ohono (os yw'n hysbys);
 - (iii) enw a chyfeiriad y person sydd neu sydd wedi trosglwyddo perchnogaeth neu feddiannaeth;
- (d) yn achos marchnata heb symud cysylltiedig, enw a chyfeiriad y person y trosglwyddwyd y feddiannaeth iddo a'r dyddiad;

Cwmpas dyletswyddau cadw cofnodion

5. Nid yw paragraffau 1 a 3 yn berthnasol i'r canlynol—
- (a) symud wyau'n uniongyrchol i safle manwerthu, ar neu o safle o'r fath neu'n dilyn symudiad o'r fath;
 - (b) symudiad pobl i swau, parciau bywyd gwyllt neu (oni bai ei fod yn ofynnol gan Weinidogion Cymru) unrhyw safle arall sy'n agored i'r cyhoedd, cyn belled nad oes gan y cyhoedd fynediad i unrhyw ardal lle mae adar yn cael eu cadw;
 - (c) symudiad y canlynol i safle lle mae dofednod neu adar caeth eraill yn cael eu cadw—
 - (i) unrhyw berson ar hawl dramwy gyhoeddus neu sy'n defnyddio hawl dramwy i gael mynediad i'r safle;
 - (ii) tresmaswyr;
 - (iii) unrhyw berson sy'n gweithredu'r Gorchymyn hwn.

Ynysu dofednod ac adar caeth eraill

6. Mae'n rhaid i feddiannydd y safle yn y parth lle cedwir dofednod neu adar caeth eraill sicrhau eu bod—
- (a) dan do; neu
 - (b) wedi eu hynysu (os yw arolygydd milfeddygol yn gorchymyn hynny ar y sail nad yw eu cadw dan do yn ymarferol neu y byddai hynny'n cael effaith andwyol ar les yr adar i raddau sylweddol).

Mesurau lle nad yw adar yn cael eu cadw dan do

7. Os yw adar yn cael eu hynysu ond nid eu cadw dan do, mae'n rhaid i'r meddiannydd—
- (a) sicrhau nad ydynt yn dod i gysylltiad â dofednod neu adar caeth eraill ar safle arall; a
 - (b) cymryd pob cam rhesymol i leihau eu cysylltiad ag adar gwyllt, yn unol â chyfarwyddiadau arolygydd milfeddygol.

Cyfyngiadau ar symud dofednod, adar caeth eraill a mamaliaid ar ac oddi ar safle

8. (1) Yn amodol ar is-baragraff (2), ni chaiff unrhyw berson symud dofednod, adar caeth eraill na mamaliaid i neu o safle yn y parth lle cedwir dofednod neu adar caeth eraill, oni bai bod y symud wedi'i drwyddedu gan arolygydd milfeddygol neu gan arolygydd o dan gyfarwyddyd arolygydd milfeddygol.

- (2) Nid yw is-baragraff (1) yn berthnasol i anifeiliaid anwes—
- (a) sydd ddim ond yn gallu cael mynediad i ran honno o'r safle lle mae pobl yn byw;
 - (b) nad ydynt yn dod i gysylltiad â dofednod neu adar caeth eraill ar y safle; ac
 - (c) nad oes ganddynt fynediad i unrhyw gewyll neu ardaloedd ar y safle lle cedwir dofednod neu adar caeth eraill.

Gwaredu carcasau

9. Mae'n rhaid i'r meddiannydd sicrhau bod pob carcass nad yw wedi'i atafaelu neu ei waredu gan arolygydd milfeddygol yn cael ei waredu yn unol â chyfarwyddiadau arolygydd milfeddygol (oni bai ei fod yn rhoi trwydded i'w defnyddio ar gyfer gwneud diagnosis o glefydau).

Mesurau bioddiogelwch

10. Mae'n rhaid i'r meddiannydd ac unrhyw berson sy'n cyrraedd neu'n gadael y safle yn y parth lle cedwir dofednod, neu adar caeth eraill neu wyau—
- (a) gymryd mesurau bioddiogelwch fel y mae'n ystyried sydd eu hangen i leihau'r risg o ledaenu ffliw adar i neu o'r safle; a
 - (b) chydymffurfio ag unrhyw ofynion bioddiogelwch y mae arolygydd milfeddygol neu arolygydd o dan gyfarwyddyd arolygydd milfeddygol, drwy hysbysiad iddo, yn eu gosod.

Sarn, tail dofednod a slyri

11. Ni chaiff unrhyw berson symud na lledaenu sarn dofednod a ddefnyddiwyd, tail dofednod na slyri dofednod yn y parth oni bai bod arolygydd milfeddygol neu arolygydd o dan gyfarwyddyd arolygydd milfeddygol wedi trwyddedu hynny.

Crynoadau o ddofednod

12. Ni chaiff unrhyw berson ganiatáu i ddofednod neu unrhyw adar caeth eraill gael eu casglu mewn unrhyw ffair, marchnad, sioe, arddangosfa neu unrhyw grynhoad arall yn y parth.

Rhyddhau adar hela

13.

- (1) Ni chaiff unrhyw berson ryddhau adar hela.

- (2) At ddiben y paragraff hwn, mae adar hela'n cynnwys ffesantod, petrys, grugieir coch, grugieir du neu rugieir yr eira neu hwyaid sydd wedi'u magu ar gyfer eu saethu.

Cyfyngiadau ar symud dofednod, wyau, cig dofednod, semen, samplau gwaed a charcasau

14. Ni chaiff unrhyw berson symud unrhyw ddofednod neu adar caeth eraill nac unrhyw wyau, cig dofednod, semen, samplau gwaed neu garcasau o unrhyw ddofednod neu unrhyw adar caeth eraill i barth o'r fath, o fewn parth o'r fath neu allan ohono oni bai bod y symud—
- (a) wedi'i nodi ym mharagraff 16 ac yn—
 - (i) uniongyrchol; a
 - (ii) wedi'i drwyddedu gan arolygydd milfeddygol neu gan arolygydd o dan gyfarwyddyd arolygydd milfeddygol;
 - (b) yn wyau bwrdd sy'n cael eu symud yn uniongyrchol i safle cyfanwerthu neu fanwerthu, neu'n dilyn symudiad o'r fath
 - (c) o fewn yr un safle.

Cludiant ar y ffordd a'r rheilffordd

15. Gellir cludo dofednod ac wyau drwy'r parth ar briffordd neu reilffordd os nad oes rhaid aros ar y ffordd o fewn y parth.

Symudiadau y gall arolygydd milfeddygol neu arolygydd o dan ei gyfarwyddyd eu trwyddedu

16. Y symudiadau y cyfeirir atynt ym mharagraff 14(a) yw symudiadau—
- (a) dofednod o safle yn y parth i'w lladd yn syth mewn lladd-dy dynodedig (os bodlonir gofynion paragraff 17);
 - (b) cig dofednod (os bodlonir gofynion paragraff 18);
 - (c) dofednod i ladd-dy dynodedig yn y parth o safle y tu allan i'r parth (os bodlonir gofynion paragraff 19);
 - (d) cywion diwrnod oed sydd wedi deor o wyau a gynhyrchwyd yn y parth neu o wyau a ddaeth i gysylltiad ag wyau o'r fath (os bodlonir gofynion paragraff 20);
 - (e) cywion diwrnod oed sydd wedi deor o wyau sy'n deillio o'r tu allan i'r parth gwarchod ac a gadwyd ar wahân i wyau a gynhyrchwyd mewn parth o'r fath (os bodlonir gofynion paragraff 21);
 - (f) dofednod sy'n barod i ddodwy neu ddofednod 'magu a symud' i safle neu ran o safle lle nad oes dofednod yn cael eu cadw (os bodlonir gofynion paragraff 22);
 - (g) wyau sy'n deor o'r tu allan i'r parth i ddeorfa ddynodedig yn y parth neu i safle dynodedig i'w defnyddio at ddibenion gwyddonol, diagnostig neu fferyllol;
 - (h) wyau sy'n deor o'r parth—
 - (i) i ddeorfa ddynodedig; neu
 - (ii) i safle dynodedig i'w defnyddio at ddibenion gwyddonol, diagnostig neu fferyllol (os bodlonir gofynion paragraff 23 yn y ddau achos);
 - (i) wyau i ganolfan pacio wyau ddynodedig (os bodlonir gofynion paragraff 24);
 - (j) wyau i waith prosesu wyau;
 - (k) wyau ar gyfer eu gwaredu;
 - (l) carcasau ar gyfer eu gwaredu neu wneud diagnosis.
 - (m) dofednod neu adar caeth eraill i filfeddygfa ar gyfer eu trin, neu i ddychelyd i'r safle y daethant ohono ar ôl symudiad o'r fath;

- (n) semen i safle bridio neu i safle sydd wedi'i ddynodi at ddibenion gwyddonol, diagnostig neu fferyllol;
- (o) gwaed i labordy neu filfeddygfa at ddibenion gwyddonol neu ddiagnostig.

Gofynion i symud dofednod o safle yn y parth i ladd-dy dynodedig

17. Ni ddylid symud dofednod i ladd-dy dynodedig oni bai bod y gofynion canlynol yn cael eu bodloni—

- (a) bod arolygydd milfeddygol wedi arolygu neu lle bo angen archwilio'r dofednod yn y safle llai na 24 awr cyn iddynt adael y safle;
- (b) bod y dofednod yn cael eu cludo mewn cerbydau wedi'u selio gan arolygydd milfeddygol neu yn unol â'i gyfarwyddiadau;
- (c) lle bo hynny'n briodol, bydd profion labordy wedi'u cynnal ar ddofednod ar y safle y daethant ohono yn unol â'r llawlyfr diagnostig;
a
- (d) os yw'r symudiad o fewn Prydain Fawr, mae'r gweinidog sy'n gyfrifol am y lladd-dy dynodedig wedi cael gwybod ac wedi cytuno i dderbyn y dofednod.

Gofynion i symud cig dofednod o ddofednod a anfonwyd i ladd-dy dynodedig o safle yn y parth

18. Ni ddylid symud cig dofednod o ddofednod yn y parth o ladd-dy dynodedig oni bai ei fod yn bodloni gofynion erthygl 63(2) y Gorchymyn.

Gofynion i symud dofednod i ladd-dy dynodedig o fewn y parth i safle y tu allan i'r parth

19. Ni ddylid symud dofednod o safle y tu allan i'r parth i ladd-dy dynodedig yn y parth oni bai bod y dofednod yn cael eu cadw ar wahân i ddofednod sy'n deillio o'r parth.

Cywion diwrnod oed

20.(1) Ni ddylid symud cywion diwrnod oed o wyau a gynhyrchwyd yn y parth neu o wyau sydd wedi dod i gysylltiad ag wyau o'r fath oni bai eu bod

- (a) yn cael eu cludo mewn cerbydau sydd wedi'u selio gan arolygydd milfeddygol neu yn unol â'i gyfarwyddiadau
- (b) y cedwir at fesurau bioddiogelwch wrth eu cludo ac y cedwir atynt ar safle pen y daith.

(2) Rhaid i feddiannydd y safle y cludwyd y cywion diwrnod oed iddo yn unol ag is-baragraff (1) beidio â symud y cywion diwrnod oed o'r safle hwnnw am gyfnod o 21 diwrnod ar ôl symud y cywion i'r safle.

Gofynion i symud cywion diwrnod oed sydd wedi deor o wyau a gynhyrchwyd yn y parth neu o wyau a ddaeth i gysylltiad ag wyau o'r fath

21. Ni ddylid symud cywion diwrnod oed o wyau a gynhyrchwyd yn y parth neu o wyau sydd wedi dod i gysylltiad ag wyau o'r fath oni bai eu bod yn cael eu cludo mewn cerbydau wedi'u selio gan arolygydd milfeddygol neu yn unol â'i gyfarwyddiadau.

Gofynion i symud dofednod sy'n barod i ddodwy neu ddofednod 'magu a symud'

22. 1) Ni ddylid symud dofednod sy'n barod i ddodwy na dofednod 'magu a symud' o'r safle yn y parth oni bai—
- (a) bod dofednod ac adar caeth eraill ar y safle wedi'u harchwilio gan arolygydd milfeddygol; a
 - (b) bod y dofednod sy'n barod i ddodwy a'r dofednod 'magu a symud' yn cael eu cludo mewn cerbydau sydd wedi'u selio gan yr arolygydd milfeddygol neu yn unol â'i gyfarwyddiadau.
- (2) Rhaid i feddiannydd y safle y caiff y dofednod sy'n barod i ddodwy neu'r dofednod 'magu a symud' eu symud iddo beidio â symud y dofednod hynny o'r safle hwnnw am gyfnod o o leiaf 21 diwrnod ar ôl y dyddiad pan gafodd y dofednod eu symud i'r safle.

Gofynion i symud wyau sy'n deor o'r parth i ddeorfa ddynodedig neu i safle dynodedig i'w defnyddio at ddibenion gwyddonol, diagnostig neu fferyllol

23. Ni ddylid symud wyau sy'n deor o'r parth i ddeorfa ddynodedig, neu i safle dynodedig i'w defnyddio at ddibenion gwyddonol, diagnostig neu fferyllol oni bai—
- (a) bod arolygydd milfeddygol wedi cadarnhau nad yw'n amau fflw adar yn yr haid y mae'r wyau'n deillio ohonynt;
 - (b) bod yr wyau a'u deunydd pacio wedi'u diheintio cyn eu danfon; a
 - (c) bod yr wyau'n cael eu cludo mewn cerbydau sy'n cael eu selio gan arolygydd milfeddygol neu yn unol â'i gyfarwyddiadau.

Gofynion i symud wyau i ganolfan pacio wyau

24. Ni ddylid symud wyau i ganolfan pacio wyau ddynodedig oni bai—
- (a) eu bod wedi'u pacio mewn deunydd pacio y gellir ei daflu; a
 - (b) bod unrhyw berson sy'n cludo'r wyau'n cydymffurfio ag unrhyw ofynion bioddiogelwch a bennwyd gan arolygydd milfeddygol, drwy hysbysiad neu drwy amod trwydded.

Gofynion mewn lladd-dai

25. Mae'n rhaid i feddiannydd y lladd-dy yr anfonir y dofednod o'r parth ato sicrhau bod gofynion erthygl 63 y Gorchymyn cael eu bodloni.

Gofynion ar gyfer cig dofednod o'r parth

26. Mae cig dofednod yn y parth o ddofednod sy'n deillio o'r parth yn destun gofynion a nodwyd yn erthyglau 63(3) a 63(4) y Gorchymyn.

Gofynion ar gyfer cig dofednod o'r tu allan i'r parth

27. Mae cig dofednod yn y parth o ddofednod sy'n deillio o'r tu allan i'r parth yn ddarostyngedig i'r gofynion a nodir yn erthygl 63(3)(a) y Gorchymyn.

Glanhau a diheintio cerbydau sy'n cludo unrhyw beth a allai fod wedi'i halogi

28. Mae'n rhaid i unrhyw berson sy'n symud unrhyw ddofednod, aderyn caeth arall, cig, porthiant, tail, slyri, sarn neu unrhyw beth arall a allai fod wedi'i halogi, lanhau a diheintio'r cerbyd ac unrhyw gyfarpar a ddefnyddiwyd i gludo'r peth hwnnw cyn gynted ag y bydd wedi'i ddadlwytho, yn unol ag erthygl 66 y Gorchymyn.

Glanhau a diheintio cerbydau

29. Mae'n rhaid i berson sy'n cyrraedd neu'n gadael safle yn y parth mewn cerbyd lanhau a diheintio unrhyw ran o'r cerbyd a allai fod wedi'i halogi yn ddi-oed, yn unol ag erthygl 66 y Gorchymyn.

Mynediad i lefydd gwaharddedig

30. Ni chaiff unrhyw berson fynd i unrhyw le sy'n destun hysbysiad gwahardd o dan erthygl 79 y Gorchymyn ac eithrio yn unol â'r hysbysiad hwnnw neu erthygl 35 y Gorchymyn.

Atodiad 2**Parth Gwyliadwriaeth**

Mae'r Parth Gwyliadwriaeth yn cynnwys yr ardal o Gymru, sydd wedi'i gynnwys yn Atodiad 3, y tu hwnt i'r cylch glas (y Parth Gwarchod) ac o fewn y cylch du o radiws o 10 cilometr, sydd yng nghanol cyfeirnod grid SM8961808279. Cyfeirnod grid Arolwg Ordnans yw hwn [cyfres Landranger 1:110,000].

Mesurau mewn Parth Gwyliadwriaeth**Cofnod o ymwelwyr**

1. Yn amodol ar baragraff 5, mae'n rhaid i feddiannydd y parth lle cedwir y dofednod neu adar caeth eraill gadw cofnodion o—
 - (a) enw a chyfeiriad unrhyw berson sy'n ymweld â'r safle (oni bai bod yr ymweliad i ran o'r safle yn unig lle mae pobl yn byw a lle na chedwir unrhyw ddofednod neu adar caeth eraill);
 - (b) dyddiad yr ymweliad;
 - (c) a yw'r person wedi cael unrhyw gysylltiad â dofednod neu adar caeth eraill ar y safle.

Cofnod o ddofednod

2. Mae'n rhaid i feddiannydd unrhyw safle yn y parth wneud cofnod o'r holl ddofednod sy'n cyrraedd neu'n gadael y safle hwnnw cyn gynted ag sy'n rhesymol ymarferol ar ôl y symud.

Cofnod o symudiadau dofednod

3. Yn amodol ar baragraff 5, mae'n rhaid i unrhyw berson sy'n ymwneud â chludo neu farchnata dofednod neu wyau dofednod yn y parth wneud cofnod cyn gynted ag sy'n rhesymol ymarferol o'r holl ddofednod ac wyau dofednod y mae wedi'u cludo neu eu marchnata.

Symudiadau dofednod i'w cofnodi

4. Mae'n rhaid i'r cofnodion y cyfeiriwyd atynt ym mharagraffau 2 a 3 uchod gynnwys—
 - (a) swm a disgrifiad (yn cynnwys rhywogaethau'r dofednod neu fath o wy) a gludwyd neu a farchnatwyd;
 - (b) yn achos symud o safle yn y parth—
 - (i) dyddiad y symud o'r safle;
 - (ii) safle cyrchfan (os yw'n hysbys);
 - (iii) enw a chyfeiriad y person y mae perchnogaeth neu feddiannaeth yn cael ei throsglwyddo neu wedi'i throsglwyddo iddo;

- (c) yn achos symud i safle yn y parth—
 - (i) dyddiad y symud;
 - (ii) safle y symudwyd ohono (os yw'n hysbys);
 - (iii) enw a chyfeiriad y person sydd neu sydd wedi trosglwyddo perchnogaeth neu feddiannaeth;
- (d) yn achos marchnata heb symud cysylltiedig, enw a chyfeiriad y person y trosglwyddwyd y feddiannaeth iddo a'r dyddiad;

Cwmpas dyletswyddau cadw cofnodion

5. Nid yw paragraffau 1 a 3 yn berthnasol i'r canlynol—
- (a) symud wyau'n uniongyrchol i safle manwerthu, ar neu o safle o'r fath neu'n dilyn symudiad o'r fath;
 - (b) symudiad pobl i swau, parciau bywyd gwyllt neu (oni bai ei fod yn ofynnol gan Weinidogion Cymru) unrhyw safle arall sy'n agored i'r cyhoedd, cyn belled nad oes gan y cyhoedd fynediad i unrhyw ardal lle mae adar yn cael eu cadw;
 - (c) symudiad y canlynol i safle lle mae dofednod neu adar caeth eraill yn cael eu cadw—
 - (i) unrhyw berson ar hawl dramwy gyhoeddus neu sy'n defnyddio hawl dramwy i gael mynediad i'r safle;
 - (ii) tresmaswyr;
 - (iii) unrhyw berson sy'n gweithredu'r Gorchymyn hwn.

Cyfyngiadau ar symud dofednod, adar caeth eraill a mamaliaid ar ac oddi ar safle

6. (1) Yn amodol ar is-baragraff (2), ni chaiff unrhyw berson symud dofednod, adar caeth eraill na mamaliaid i neu o safle yn y parth lle cedwir dofednod neu adar caeth eraill, oni bai bod y symud wedi'i drwyddedu gan arolygydd milfeddygol neu gan arolygydd o dan gyfarwyddyd arolygydd milfeddygol.
- (2) Nid yw is-baragraff (1) yn berthnasol i anifeiliaid anwes—
- (a) sydd ddim ond yn gallu cael mynediad i ran honno o'r safle lle mae pobl yn byw;
 - (b) nad ydynt yn dod i gysylltiad â dofednod neu adar caeth eraill ar y safle; ac
 - (c) nad oes ganddynt fynediad i unrhyw gewyll neu ardaloedd ar y safle lle cedwir dofednod neu adar caeth eraill.

Mesurau bioddiogelwch

7. Mae'n rhaid i'r meddiannydd ac unrhyw berson sy'n cyrraedd neu'n gadael y safle yn y parth lle cedwir dofednod, neu adar caeth eraill neu wyau—
- (a) gymryd mesurau bioddiogelwch fel y mae'n ystyried sydd eu hangen i leihau'r risg o ledaenu fflw adar i neu o'r safle; a
 - (b) cydymffurfio ag unrhyw ofynion bioddiogelwch y mae arolygydd milfeddygol neu arolygydd o dan gyfarwyddyd arolygydd milfeddygol, drwy hysbysiad iddo, yn eu gosod.

Sarn, tail dofednod a slyri

8. (1) Ni chaiff unrhyw berson symud na lledaenu sarn dofednod a ddefnyddiwyd, tail dofednod na slyri dofednod yn y parth oni bai bod arolygydd milfeddygol neu arolygydd o dan gyfarwyddyd arolygydd milfeddygol wedi trwyddedu hynny.

(2) Fe all arolygydd milfeddygol ganiatáu symud tail dofednod os oes mesurau bioddiogelwch priodol yn eu lle, o safle mewn parth gwyliadwriaeth i ffatri ddynodedig, ar gyfer ei drin neu ei storio ar gyfer ei drin wedi hynny, er mwyn lleihau'r risg o ledaenu feirws y fflw adar.

Cyfyngiadau ar symud carcasau dofednod ac adar caeth eraill o fewn y parth

- 8A. (1) Ni chaiff unrhyw berson symud carcasau dofednod ac adar caeth eraill o safle yn y parth.

(2) Ond caiff arolygydd milfeddygol neu arolygydd o dan gyfarwyddyd arolygydd milfeddygol roi trwydded ar gyfer symud carcasau dofednod neu adar caeth eraill at ddiben eu gwaredu neu gynnal diagnosis arnynt, o safle yn y parth.

Crynoadau o ddofednod

9. Ni chaiff unrhyw berson ganiatáu i ddofednod neu unrhyw adar caeth eraill gael eu casglu mewn unrhyw ffair, marchnad, sioe, arddangosfa neu unrhyw grynhoad arall yn y parth.

Rhyddhau adar hela

10. (1) Ni chaiff unrhyw berson ryddhau adar hela.

(2) At ddiben y paragraff hwn, mae adar hela'n cynnwys ffesantod, petrys, grugieir coch, grugieir du neu rugieir yr eira neu hwyaid sydd wedi'u magu ar gyfer eu saethu.

Cyfyngiadau ar symud dofednod ac wyau yn y parth

11. 1) Yn amodol ar baragraff 12, ni chaiff unrhyw berson symud unrhyw ddofednod neu wyau o fewn y parth neu iddo (ac eithrio drwy'r parth ar y ffordd neu'r rheilffordd heb aros), oni bai ei fod yn cydymffurfio â'r holl fesurau bioddiogelwch perthnasol a bennir gan arolygydd milfeddygol mewn amodau trwydded.

(2) Rhaid i feddiannydd y safle y symudir y dofednod iddo beidio â symud y dofednod hynny o'r safle hwnnw am gyfnod o 21 diwrnod o'r diwrnod pan gafodd y dofednod eu symud i'r safle.

Dosbarthu wyau i safleoedd cyfanwerthu neu fanwerthu yn y parth

12. Nid yw paragraff 11 yn berthnasol i symud wyau'n uniongyrchol i safleoedd cyfanwerthu neu fanwerthu, neu'n dilyn symudiad o'r fath.

Mesurau bioddiogelwch

13. Ni ddylai arolygydd milfeddygol roi trwydded o dan baragraff 11 oni bai ei fod yn fodlon y bydd y trwyddedai'n cymryd mesurau bioddiogelwch priodol ac mae'n rhaid i gymryd mesurau o'r fath fod yn amodau'r drwydded.

Symud dofednod i ladd-dy

14. Gall arolygydd milfeddygol roi trwydded i symud dofednod o'r tu allan i unrhyw barthau gwarchod a gwyliadwriaeth fflw adar i ladd-dy o fewn y parth gwyliadwriaeth a symudiadau dilynol y cig sy'n deillio o ddofednod o'r fath.

Cyfngiadau ar symud dofednod ac wyau allan o'r parth

15. (1) Yn amodol ar baragraff 16, ni chaiff unrhyw berson symud unrhyw ddofednod neu adar caeth eraill, nac unrhyw wyau, semen, samplau gwaed neu garcasau o unrhyw ddofednod neu adar caeth eraill allan o'r parth, oni bai bod y symud yn—
- (a) symudiad a nodwyd yn is-baragraff (2); ac
 - (b) wedi'i drwyddedu gan arolygydd milfeddygol neu gan arolygydd o dan gyfarwyddyd arolygydd milefyddol.
- (2) Mae'r symudiadau y cyfeirir atynt yn is-baragraff (1) yn symudiadau—
- (a) dofednod i'w lladd (os bodlonir gofynion paragraff 17);
 - (b) cywion diwrnod oed sydd wedi deor o wyau a gynhyrchwyd yn y parth gwarchod neu barth gwyliadwriaeth neu o wyau a ddaeth i gysylltiad ag wyau o'r fath (os bodlonir gofynion paragraff 18);
 - (c) cywion diwrnod oed sydd wedi deor o wyau sy'n deillio o'r tu allan i'r parth gwarchod a pharth gwyliadwriaeth ac a gadwyd ar wahân i wyau a gynhyrchwyd mewn parth o'r fath (os bodlonir gofynion paragraff 19);
 - (d) dofednod sy'n barod i ddodwy neu dofednod magu-a-symud i safle neu ran o safle lle nad oes dofednod yn cael eu cadw;
 - (e) wyau sy'n deor o'r parth—
 - (i) i ddeorfa ddynodedig; neu
 - (ii) i safle dynodedig i'w defnyddio at ddibenion gwyddonol, diagnositg neu fferyllol (os bodlonir gofynion paragraff 20 yn y ddau achos);
 - (f) wyau i ganolfan pacio wyau ddynodedig (os bodlonir gofynion paragraff 21);
 - (g) wyau i waith prosesu wyau;
 - (h) wyau ar gyfer eu gwaredu;
 - (i) dofednod i filfeddygfa ar gyfer eu trin neu i'r safle y daethant ohono ar ôl dod yn ôl o symudiad o'r fath

- (j) semen i safle bridio neu i safle sydd wedi'i ddynodi at ddibenion gwyddonol, diagnostig neu fferyllol;
- (k) gwaed i labordy neu filfeddygfa at ddibenion gwyddonol neu ddiagnostig.

Dosbarthu wyau bwrdd i safleoedd cyfanwerthu a manwerthu

16. Nid yw paragraff 15 yn berthnasol i symud wyau bwrdd yn uniongyrchol i safleoedd cyfanwerthu neu fanwerthu, neu'n dilyn symudiad o'r fath.

Gofynion i symud dofednod o safle yn y parth i ladd-dy dynodedig

17. Ni chaniateir symud dofednod o'r safle yn y parth i ladd-dy dynodedig y tu allan i'r parth oni bai –
- (a) bod y symudiad yn cychwyn o fewn 24 awr ar ôl cwblhau archwiliad milfeddygol o'r dofednod ar y safle, a
 - (b) bod y gweinidog priodol sy'n gyfrifol am y lladd-dy dynodedig wedi awdurdodi symud y dofednod hynny.

Gofynion i symud cywion diwrnod oed sydd wedi deur o wyau a gynhyrchwyd yn y parth gwarchod neu wylidwriaeth neu o wyau a ddaeth i gysylltiad ag wyau o'r fath

18. Ni ddylid symud cywion diwrnod oed o wyau a gynhyrchwyd yn y parth gwarchod neu o wyau sydd wedi dod i gysylltiad ag wyau o'r fath oni bai y cydymffurfir ag unrhyw fesurau bioddiogelwch a bennwyd gan arolygydd milfeddygol drwy hysbysiad neu amod trwydded.

Gofynion i symud cywion diwrnod oed sydd wedi deur o wyau sy'n deillio o'r tu allan i'r parthau gwarchod a gwyliadwriaeth

19. Ni ddylid symud cywion diwrnod oed sy'n deillio o'r tu allan i unrhyw barthau gwarchod a gwyliadwriaeth fflw adar oni bai bod y ddeorfa yn y parth yn cael ei gweithredu mewn ffordd sy'n golygu na ddaw'r wyau hynny i gysylltiad ag wyau neu gywion diwrnod oed o fewn y parth.

Gofynion i symud wyau sy'n deur o'r parth i ddeorfa ddynodedig neu i safle dynodedig i'w defnyddio at ddibenion gwyddonol, diagnostig neu fferyllol

20. Ni ddylid symud wyau sy'n deur o'r parth i ddeorfa ddynodedig, neu i safle dynodedig i'w defnyddio at ddibenion gwyddonol, diagnostig neu fferyllol oni bod yr wyau a'u deunydd pacio wedi'u diheintio cyn iddynt adael y safle.

Gofynion i symud wyau i ganolfan pacio wyau

21. Ni ddylid symud wyau i ganolfan pacio wyau ddynodedig oni bai—
- (a) eu bod wedi'u pacio mewn deunydd pacio y gellir ei daflu; a

- (b) bod unrhyw berson sy'n cludo'r wyau'n cydymffurfio ag unrhyw fesurau bioddiogelwch a bennwyd gan arolygydd milfeddygol.

Glanhau a diheintio cerbydau sy'n cludo unrhyw beth a allai fod wedi'i halogi

- 22.** Mae'n rhaid i unrhyw berson sy'n symud unrhyw ddofednod, aderyn caeth arall, cig, porthiant, tail, slyri, sarn neu unrhyw beth arall a allai fod wedi'i halogi, lanhau a diheintio'r cerbyd ac unrhyw gyfarpar a ddefnyddiwyd i gludo'r peth hwnnw cyn gynted ag y bydd wedi'i ddadlwytho, yn unol ag erthygl 66 y Gorchymyn.

Glanhau a diheintio cerbydau

- 23.** Mae'n rhaid i berson sy'n cyrraedd neu'n gadael safle yn y parth mewn cerbyd lanhau a diheintio unrhyw ran o'r cerbyd a allai fod wedi'i halogi yn ddi-oed, yn unol ag erthygl 66 y Gorchymyn.

Atodiad 3

Map yn dangos y Parth Gwarchod (3km) a'r Parth Gwyliadwraeth (10km) yng nghanol cyfeirnod grid SM8961808279.

Cyfeirnod grid yr Arolwg Ordnans yw hwn [cyfres Landranger 1:110,000].

